

CENTRALNA BANKA
BOSNE I HERCEGOVINE

Broj: UV-150-01-1-2140-7/22 TT
Sarajevo, 21.12.2022. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14 i 59/22), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine, broj: UV-104-01-1-1425-15/21 od 29. juna 2021. godine i broj: UV-122-01-1-2029-11/22 od 28. novembra 2022. godine, člana 13. stav (3) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, Upravno vijeće Centralne banke Bosne i Hercegovine na 16. sjednici od 21.12.2022. godine, donosi

O D L U K U

o izboru najpovoljnijeg ponuđača u postupku javne nabavke usluga - održavanje BPRV sistema

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga održavanja BPRV sistema, putem pregovaračkog postupka bez objave obavještenja o nabavci, na period od tri (3) godine, počevši od 8. decembra 2022. godine, dodjeljuje ponuđaču CGI IT UK LIMITED, u svemu prema Ponudi broj: CAS/L-28112-01 Amendment 6 od 8. decembra 2022. godine.

Član 2.

Ponuda ponuđača iz člana 1. ove odluke glasi na iznos od:

771.651,00 EUR

(slovima: sedamstotinasedamdesetjednihiljadašeststotinašesetjedan i 00/100 eura)

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, sa izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za platne sisteme Centralnog ureda Centralne banke Bosne i Hercegovine (u daljnjem tekstu: Odjeljenje za platne sisteme).

Član 4.

Za realizaciju ove odluke zadužuju se Odjeljenje za platne sisteme, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14 i 59/22).

O b r a z l o ž e n j e

Postupak javne nabavke usluga – održavanje BPRV sistema, putem pregovaračkog postupka bez objave obavještenja o nabavci, pokrenut je Odlukom o pokretanju postupka, broj: 150-15-4-1785-2/22 SAK od 22. septembra 2022. godine, procijenjene vrijednosti nabavke u iznosu od 1.520.000,00 KM.

U skladu s tim, Centralna banka je objavila Poziv za dostavljanje ponuda (tendersku dokumentaciju) za javnu nabavku usluga – održavanje BPRV sistema, putem pregovaračkog postupka bez objave obavještenja o nabavci, broj: 150-15-4-1785-4/22 TT od 4. novembra 2022. godine, istovremeno sa upućivanjem Poziva za učešće u pregovaračkom postupku, ponuđaču CGI IT UK LIMITED.

Na osnovu člana 21. stav (1) tačka c) Zakona o javnim nabavkama, postupak se vodio sa jednim ponuđačem, "CGI IT UK LIMITED, 14th Floor, 20 Fenchurch Street, London EC3M 3BY, United Kingdom". Nakon pregleda i provjere kvalificiranosti dostavljene ponude, Komisija nadležna za vođenje postupka (u daljnjem tekstu: Komisija) je upriličila pregovore, elektronskim putem na način kako je određeno u tenderskoj dokumentaciji, sa ovlaštenim predstavnikom ponuđača. Predsjednik Komisije se obratio ponuđaču sa zahtjevom za smanjenje cijene iskazane u dostavljenoj ponudi, nakon čega je zaprimljen odgovor ponuđača da je ponuđena cijena u dostavljenoj ponudi konačna i da nisu u mogućnosti ponuditi dodatni popust na ukupnu cijenu ponude.

Komisija je nakon izvršenog pregleda i ocjene ponude konstatovala da konačna ponuda ponuđača CGI IT UK LIMITED zadovoljava sve uslove tražene tenderskom dokumentacijom te je shodno tome, u skladu sa kriterijem najniža cijena, u svom Zapisniku o pregledu i ocjeni ponuda broj: 149-15-4-2107-4/22 i Izvještaju o radu Komisije sa Preporukom broj: 149-15-4-2107-5/22, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

**Predsjedavajući
Upravnog vijeća Centralne banke
Bosne i Hercegovine**

GUVERNER

dr. Senad Softić



Dostaviti:

- guverneru
- viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za platne sisteme
- Odjeljenju za računovodstvo i finansije (original)
- Odjeljenju za javne nabavke (original)
- učesniku u postupku